

նորիկ է Լատինաց ՚ի վաղ ժամանակէ : Իրրեւ ոչ կարացին Հայք ճողոպրիլ ՚ի բռնութենէ : նոցա , դիմեցին առ դատաւորն , եւ յայտ արարին զիրաւունս իւրեանց եւ զանիրաւ սահանջս Լատինաց : Իսկ դատաւորն կոչեաց զերեւելի սյլազգիս քաղաքին եւ զբռնապանս եկեղեցւոյն այնորիկ , եւ ՚ի ժողովի անդ վկայութեամբ նոցին յայտնի եղեւ թէ սեղանն այն սեփհական է Հայոց եւ ՚ի վերայ նորա կատարեն զպաշտամունս իւրեանց . հակառակութիւն Լատինաց վասն այնր ՚ի գուր է եւ ընդունայն , եւ զիտեմք իսկ զի մինչեւ ցայսօր ժամանակի լինել ՚ի ձեռս Հայոց : Յետ այնորիկ խնդրեաց դատաւորն ՚ի Լատինաց հրովարտակ Աքքայի եւ կամ գիր ինչ ՚ի դատարանէ վասն այնր սեղանոյ , Լատինք յայտ արարին յատենի անդ չունել զայնպիսի գիրս , ապա դատաւորն եւ աւագանին հաստատեցին զսեփհականութիւնս Հայոց վկայութեամբ սյլազգեաց , եւ հրաման ետուն ունիլ զայն եւ կատարել զպաշտամունս իւրեանց ըստ վաղեմի սովորութեան , եւ արգելին զհակառակութիւնս Լատինաց , զի մի՛ եւս բռնասցի ՚ի վերայ Հայոց ատելութեամբ , 1100. (1738) :

Վախճանեցաւ Յովհաննէս Պատրիարք Կոստանդինուպօլսի Կոլոտ վերածայնեալ յամի Տեառն 1741, Փետրբար 13 . վարեալ զիշխանութիւն Պատրիարքութեան ամս 26 : Եւ արժանաւոր յուղարկաւորութեամբ թաղեցաւ յեկեղեցի Ս . Լուսաւորչի ՚ի Ղալաթիա : Եւ յաջորդեաց յԱթոռ Պատրիարքութեան աշակերտ նորին Յակոբ վարդապետ Նալեան Զիմարացի՝ ՚ի 15 Փետրվարի : Լուեալ Գրիգորի Պատրիարքի զմահ սիրելոյն իւրոյ՝ տրամեցաւ յոյժ , եւ ողբայր զմահ նորին տխրագին . յերկիր կործանեցայ ասէր եւ քաղեցաւ ոգի իմ՝ սյլ սուղ ինչ մխիթարեալ ՚ի վերայ Պատրիարքութեան Յակոբայ վարդապետի , գրեաց առ նա գիր շնորհաւորութեան եւ քաջալերութեան , եւ յորդոր առ զլիսաւորս ազգին զօրավիզ եւ օգնական լինիլ յամենայն գործս նորա : Գրեաց եւ վասն հրովարտակաց՝ զորս ՚ի դարձին իւրում յերուսաղէմ , խորհրդով ազգին թողեալ էր առ Յովհաննու Պատրիարքին , եւ ինքն միայն զօրինակս նոցին բերեալ ընդ իւր . եւ այժմ անկեալ ՚ի կասկածանս , մի՛ գուցէ վնաս ինչ պատահեսցի , թախան-